



Tužilaštvo - Tužiteljstvo Bosne i Hercegovine
Тужилаштво Босне и Херцеговине

A-285-15/25

09.10.2025. godine

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 30. Pravilnika o javnim nabavkama roba, usluga i radova Tužilaštva BiH broj: A-200/24 od 16.05.2024. godine, glavni tužilac Tužilaštva – Tužiteljstva BiH donosi

ODLUKU
o izboru najpovoljnijeg ponuđača

Član 1.
(Predmet odluke)

Ugovor o nabavci tonera i ketridža za potrebe Tužilaštva-Tužiteljstva BiH, dodjeljuje se ponuđaču Defter d.o.o. Sarajevo.

Član 2.
(Kriterij za dodjelu ugovora)

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji/zahhtjevu za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: A-285/25 od 25.07.2025. godine. Javna nabavka je provedena putem konkurentskog zahtjeva za dostavu ponudu. Procijenjena vrijednost nabavke je 35.897,44 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-1-22-3-27/25 od 25.07.2025. godine, i u Službenom glasniku BiH broj: 46 od 01.08.2025. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljeno je šest (6) uredno zapečaćenih i neotvorenih ponuda ponuđača: KMC d.o.o. Banja Luka, ALF-OM d.o.o. Banja Luka, Elkom d.o.o. Vitez, Defter d.o.o. Sarajevo, Primaprom d.o.o. Sarajevo i Crobox d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2025. godinu, broj: A-463/24 od 13.12.2024. godine, članovi Komisije (u daljem tekstu: Komisija) izvršili su ponovni pregled i ocjenu ponuda i utvrdili su sljedeće:

Komisija je, uzimajući u obzir Rješenje Ureda za razmatranje žalbi broj: JN2-01-07-1-1391-8/25 od 11.09.2025. godine, izvršila ponovni pregled i ocjenu ponuda sa posebnim osvrtom na obrazloženje neprirodno niske cijene dostavljene od strane ponuđača ALF-OM d.o.o. Banja Luka, PJ Istočno Sarajevo broj: 33/25 od 06.08.2025. godine.

Uvidom u dostavljenu dokumentaciju je utvrđeno da ponuđač dostavio obrazloženje ali ne i konkretne i vjerodostojne dokaze, niti objektivno povjerljive činjenice (kao što su informacije o sastavnim elementima ponude, uključujući i sastavne elemente cijene) kojima bi potkrijepio navode da ponuđena cijena može pokriti troškove izvršenja ugovora. Dostavljeno obrazloženje je ostalo na nivou opštih tvrdnji (uštede, popusti, poslovne veze) ali bez konkretnih dokaza u smislu člana 66. Zakona o javnim nabavkama BiH.

Imajući u vidu obavezu ugovornog organa da postupi u skladu sa navedenim rješenjem Ureda za razmatranje žalbi, te činjenicu da ponuđač nije dokazao opravdanost ponuđene cijene u skladu sa zakonom, ponuda ponuđača ALF-OM d.o.o. Banja Luka, PJ Istočno Sarajevo je isključena iz daljnjeg postupka javne nabavke, a sve u skladu sa članom 66. stav 1. Zakona o javnim nabavkama BiH, u kojem se navodi: „Ako ponuđač ugovornom organu ne ponudi osnovano obrazloženje, koje između ostalog može sadržavati i poređenje s cijenama na tržištu, ugovorni organ će odbaciti ponudu“.

Analizom ponuda, utvrđeno je da postoji računska greška u ponudi ponuđača Primaprom d.o.o. Banja Luka. Dana 06.08.2025. godine Komisija je navedenom ponuđaču je poslala zahtjev za prihvatanje ispravke računске greške. Ponuđač je dana 06.08.2025. godine dostavio saglasnost kojom prihvata ispravku/korekciju računске greške.

Komisija je utvrdila da ponude ponuđača: KMC d.o.o. Banja Luka, Elkom d.o.o. Vitez, Defter d.o.o. Sarajevo, Primaprom d.o.o. Sarajevo i Crobox d.o.o. Sarajevo zadovoljavaju uslove tražene Zahtjevom/TD, te se dostavljene ponude smatraju prihvatljivim. Početne ponude ponuđača su iznosile: KMC d.o.o. Banja Luka 5.780,39 KM bez PDV-a, Elkom d.o.o. Vitez 4.657,00 KM bez PDV-a, Defter d.o.o. Sarajevo 4.068,00 KM bez PDV-a, Primaprom d.o.o. Sarajevo 16.439,50 (nakon ispravke računске greške 16.625,00 KM bez PDV-a) i Crobox d.o.o. Sarajevo 5.542,32 KM bez PDV-a.

Tenderskom dokumentacijom/zahtjevom je bila predviđena e-aukcija koja je održana dana 08.10.2025. godine. Nakon provedene e-aukcije utvrđeno je da su ponuđači: Defter d.o.o. Sarajevo i Elkom d.o.o. Vitez, ponudili nižu cijenu od inicijalno dostavljene, dok ponuđači: KMC d.o.o. Banja Luka, Crobox d.o.o. Sarajevo i Primaprom d.o.o. Banja Luka nisu aktivno učestvovali na e-aukciji. Komisija je utvrdila da je e-aukcija u ovom postupku uspješno završena, te da je nakon završetka e-aukcije najpovoljnija ponuda ponuđača Defter d.o.o. Sarajevo čija cijena nakon e-aukcije iznosi 2.550,00 KM bez PDV-a.

Shodno navedenom, Komisija predlaže rukovodiocu ugovornog organa da donese odluku o dodjeli ugovora ponuđaču Defter d.o.o. Sarajevo, čija ponuda ispunjava uslove za nabavku predmetne robe.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.